



GOUVERNEMENT  
DE LA POLYNÉSIE FRANÇAISE

## APOORAA A TE MAU FAATERE HAU PARAU HAAPAPA

*Mahana toru 25 tetepa 2024*

Ua putuputu to te Apooraa Hau i teie mahana toru nei. E roto i te mau puta parau i tuatapapahia, ua haamanahia te mau puta parau i muri nei :

- Tauturu a te Pû no te faahoturaa i te mau ôire ..... 2
- Te moni hoo o te mori ârahu i te 1 atopa 2024 ..... 3
- Te Ìritiraa i te poroiraa i te mau tiare tâpuhia, to ratou rahiraa, ia au i to ratou huru e to ratou rauraa, no te Ôroà 2024 o te feia i faaruè mai, e no te Ôroà o te Here 2025 .... 3
- Te Ôroà no te Ìte e te àravahi o te faahanahana i te moana mai te 4 e tae atu i te 18 no atopa ..... 4
- Tauturu moni i te hoê Pû òhipa a te Hau, i te hoê fare haapiiraa e te hoê taatiraa hiroà tumu ..... 5
- Tauturu moni i te mau taatiraa e âmui-tahiraa tuàro ..... 5



## Tauturu a te Pû no te faahoturaa i te mau ôire

Ua haamana te Faatereraa Hau e faataa ahuru ma pae tauturu moni no te mau ôpuaraa rau haamaitàraa i te mau fare e te mau paturaa e vai nei e tae noa atu i te haapautuuturaa i te mau tereraa òhipa i roto i na ôire hoê ahuru ati aè o Porinetia farani.

Te mau ôpuaraa e amohia, ua tuhahia ia i roto i na tuhaa too-toru i muri nei : e iva no te mau tauihaa hoohia mai, e pae no te mau òhipa ravehia e hoê no te mau tuatapaparaa.

### **Te mau tauihaaa hoohia mai :**

Te mau ôire no Tureia Hao, Rangiroa, Ua Pou, Tatakoto, Takaroa e Tumaraa teie e fanaò nei i te tuhaa moni no te hoo mai i te mau tauihaa âpi no te haamaità i te mau piha òhipa ìmiraa raveà a te ôire. Na roto i te hooraa mai i te mau pereoo patia, te mau pereoo taipu, te mau pereoo pâni, te mau pereoo tira e te tahi atu mau pereoo taa ê, faufaa no ta ratou mau òhipa.

U faataa te Faatereraa Hau **122 839 809 F CFP** no te paèpaè i teie mau ôpuaraa, tei nià ia i te faito piri 58% no te moni hoo taatoà e **210 909 315 F CFP** o teie mau tauihaa i hoohia mai.

### **Te mau òhipa ravehia :**

Te mau ôire no Arue, Rimatara, Punaauia e Tatakoto te fanaò nei i te tuhaa moni no te haamaità i te mau fare e te mau paturaa e vai nei ma te faaânano atu a i te mau tuhaa òhipa ia fanaò te nunaa. E te reira, na roto ia i te mau òhipa no te faanahoraa i te vahi haùtiraa na te mau tamarii, te tataàraa i te mau fare tuàro, te tataàraa e haamaitàraa i te mau aroa e purumu e te paturaa i te hoê fare maehaa no te haaputu i te para e te mau mea no te faatupu i te maa, ei tauturu i te maitàraa o te Èa o te nunaa e te faaitoitoraa i te mau òhiparaa âmui.

Ua faataa te Faatereraa Hau e **287 343 312 F CFP** no te paèpaè i teie mau ôpuaraa, e tei nià ia i te faito piri 57% o to ratou moni hoo taatoà i tohuhia e **503 334 516 F CFP**.

### **Te mau tuatapaparaa :**

Te ôire no Tumaraa te fanaò i te hoê tauturu moni no te haamata i te mau tuatapaparaahou te mau òhipa faaâpiraa e faaânoraa i te fare tuàro Austin Hunter no Tevaitoà, te fâ no te haamaità i teie mauhaa no te tuàrono te nunaa e parahi ra i reira e no te faaitoito i te parau no te faaètaètaraa i te tino.

Ua faataa te Faatereraa Hau **12 601 760 F CFP** no te paèpaè i teie ôpuaraa, tei nià ia i te faito e 80% no te moni taatoà **15 752 200 F CFP** no teie tuatapaparaa.

Te tuhaa moni âmui no teie mau tereraa òhipa tei nià ia i te faito **729 996 031 F CFP**, e i roto i te reira taatoàraa e **422 784 881 F CFP** amohia e te Hau Fenua, oia hoì tei nià ia i te faito e 58% no te taatoà o te tuhaa moni.

Teie tauturu moni, âmuihia mai e te mau tautooraa a te mau ôire, te faatoro nei ia nià i te hoê faahoturaa tuatau e no te faanaho maitàraa i te ôpereraa o te faufaa àti noa aè te fenua nei.



## **Te moni hoo o te mori ârahu i te 1 atopa 2024**

I teie mau taime, ua topa te moni hoo o te mori ârahu, na roto ia i te huru pâpû òre no te mau poroïraa o teie piru èreère, i muri aè te faaararaa no te paruparu no te faaravaïraa a te fenu Taina (Tinito) e te fenua Marite, na fenua e poroï rahi nei i te mori ârahu.

Te toparaa no te moni CAF i nià i te poroïraa e te òre e tià ia faataa êhia i te nuuraa o te moni hoo o te mori ârahu, i noaa ai i te Âfata ia fanaò i te faito haehaa roa aè no te mau haamauàraa numerahia i te âvaè tataï-tahi no teie tau òhiparaa 2024.

Te vai ara noa nei ra te Apooraa a te mau Faatere Hau i mua i te mau maraa taùeraa no te mau moni hoo, ei hìoraa, te faae meta e te òreraa te fenua Ripia e pahono i te mau poroïraa mori ârahu, e aore ia, te tupuraa te mataï huri fenua "Francine" i roto i te Ôdà no Mehiko, o tei haafifi roa i na paèpaè pâmuraa mori ârahu e 4000, e òhipa i reira.

Teie mau huru tupuraa òhipa, te faaitoito ra i te mau fatu taiete ia ara maite, e no te reira, te ara tuutuu òre nei te Faatereraa Hau o te Fenua i mua i te nuuraa o te moni hoo i nià i te matete e ua faaoti e tapeà noa i te moni hoo o te mori ârahu i nià i te faito o teie mahana, no te âvaè atopa 2024.

## **Te Ìritiraa i te poroïraa i te mau tiare tâpuhia, to ratou rahiraa, ia au i to ratou huru e to ratou rauraa, no te Ôroà 2024 o te feia i faaruè mai, e no te Ôroà o te Here 2025**

Ua ara te mau mero no te tomite no te mau tiare tâpuhia i te 27 atete 2024 ra, i te mau numeraraa no te rahiraa o te mau tiare o te fenua nei e hinaarohia, e tei faanahohia mai te Faatereraa o te piha faaàpu.

E i muri aè i te mau tuatapaparaa i te vairaa no teie arataïraa òhipa e te mau hinaaro, horoàhia mai e te feia hoo tiare, ua tuu mai te mau mero o te tomite i to ratou manaò e na te Faatereraa Hau e faaoti, te Ìritiraa i te poroïraa i te mau tiare tâpuhia e to ratou rahiraa, no te Ôroà 2024 o te feia i faaruè mai, e no te Ôroà o te Here 2025.

E teie numera e te rahiraa tiare, faataa taa êhia ia no te feia e fare toa hooraa tiare ta ratou, fariihia ratou ia poroï 16 980 tiare tataï-tahi no te Ôroà 2024 o te feia i faaruè mai, e e 24 200 no te Ôroà o te Here 2025.



## Te Ôroà no te Ìte e te Àravahi o te faahanahana i te moana mai te 4 e tae atu i te 18 no atopa

No te 33raa o te taima e tuàti atoà ai i te Rururaa a te Hau Âmui i muri nei i nià i tumu parau no te Moana, o te tupu i te âvaè tiunu 2025, i Nice, e faahanahana ai te Ôroà o te Ìte e te Àravahi i te moana. E te tumu parau "**Moana no te mau Ìte**" o te tumu ôtahi roa ia no te mau tapitapiraa i roto i to tatou oraraa âmui i teie mahana.

Te parau tumu no te Ôroà o te Ìte e te Àravahi, o te "Faahanahanaraa ia i te Ìte e te Àravahi na roto i te haùti, te haapiiraa e te ai-tauraa" e te nunaa.

No reira, titauhia te nunaa e haere mai e hiò i te parau o te moana, o tei riro ei vahi hiòpoàraa e tuatapaparaa matara noa, ei vahi òhipa rahi e te taupupu, o te titau i te tahi tahua âano no te maïmiraa, no te mau Ìte faufaa roa, ma te faaòhipa i te reira i nià i te mau tuatapaparaa i te huru o te taata e to na oraraa totiare. O te faatupu i to tatou anaanatae e te faaitoito i to tatou manaò, ìnaha, te moana, i taia noahia na era ê te tau, no to na puai e te pâpû òre to na huru, e ìtehia nei i teie mahana mai te tahi taoà faufaa o te tià ia aupuruhia.

Hau atu ra i te parau o te moana, teie ra tumu parau "**Moana o te mau Ìte**" te riro nei ia ei titauroa manihini ia turaì i te ôtià o to tatou mau Ìte/Àravahi ma te tamata e ma te ora i te âanoraa o te mau Ìte atoà.

E tupu te ìritiraa no te Ôroà no te Ìte i te 4 atopa na roto i te mau tupuraa òhipa tumu, na roto i te tahi mau piha òhiparaa e te mau rautiraa no te pae o te mau Ìte/Àravahi, i te Fare o te Apooraa Rahi no Porinetia farani, o te âmui e 25 mau taiete turu. E tupu atoà te tahi taima feruriraa e tauà-parauraa i nià i te parau no te hohonuraa o te moana, o te âmui te feia Àravahi e te mau tià mana.

Ua faanaho atoàhia te tahi mau vauvauraa parau, o te tupu i te mahana piti 8 atopa e te mahana maha 10 atopa i te fare haapiiraa tua-toru no Porinetia farani nei (UPF).

A taa noa atu ai te reira, ua faataa atoàhia te mau mahna ûputa matara noa mai te 7 e tae atu i te 17 atopa, e tià ai i te mau tamarii haere haapiiraa e haere mai e mataitài i te mau pû maïmiraa mai te pû Louis Malardé (ILM) i Papeete e i Paèa, te CRIOBE, na reira atoà i te mau pû hiòpoàraa reva i Faaa e i Maareva. A taa noa atu ai i te reira, e faanaho atoàhia te tahi mau tere farerei i roto i te mau fare haapiiraa no te tuhaa 1 ia tià i te mau tamarii ia fanaò eia farerei roa i te mau âivanaa ma te tauà-parau e ratou. Teie mau faanahoraa atoà tei faataahia i Tahiti e i Moorea, e turaìhia atu ia i te mau motu atea : Nuku-Hiva (Henua Enana), Mangareva (Maareva), Rurutu (Tuhaa pae), Rangiroa e Hao (Tuamotu) e Raïatea (Raro-matai).

Ei faahoperaa, te tahi mau hohò potopoto i nià i te mau òhipa a te mau âivanaa o te faanaò atoàhia i nià i te nati-reva, e haamata te reira mai te 4 no atopa.



## Tauturu moni i te hoê Pû òhipa a te Hau, i te hoê fare haapiiraa e te hoê taatiraa hiroà tumu

Na roto i te aniraa a te Faatere Hau no te Haapiiraa, no te Haapiiraa teitei, e no te Hiroà tumu, ua haamana te Faatereraa Hau e faataa i te mau tauturu moni no te pae no te faaòhiparaa, i te hoê Pû òhipa a te Hau, i te hoê fare haapiiraa e i te hoê taatiraa hiroà tumu, no te hoê faito ia âmuihia e **200 455 000 F CFP**.

Ua ôperehia teie mau tauturu moni mai teie i muri nei :

<b>Pû òhipa a te Hau/fare haapiiraa/taatiraa hiroà tumu</b>	<b>Tauturu moni</b>	<b>Faito</b>
Te Fare Tauhiti Nui – Maison de la culture	Tauturu moni faataahia no te pae o te faaòhiparaa no te amo i te faatupuraa i te mau faanahoraa hiroà tumu, no te matahiti 2024	<b>94 600 000</b>
Te Fare Tauhiti Nui – Maison de la culture	Tauturu moni faataahia no te pae o te faaòhiparaa no te amo i te faatupuraa i te Heiva i Tahiti, no te matahiti 2024	<b>89 000 000</b>
Taatiraa Puna Reo Pihaèina	Tauturu moni faataahia no te pae o te faahoturaa no te amo i te paturaa i te hoê fare tamaaraa, i nià i te tuhaa fenua ra o Pererau e vai i Moorea, i roto i te ôpuaraa mataèinaa Pererau	<b>14 135 000</b>
Tua-rua no Rangiroa	Tauturu moni faataahia no te pae o te faaòhiparaa no te amo i te hamaniraa i te mau âfata vairaa tauihaa no te fare nohoraa	<b>2 720 000</b>
<b>ÂMUIHIA</b>		<b>200 455 000 F CFP</b>

## Tauturu moni i te mau taatiraa e âmui-tahiraa tuàro

Na roto i te aniraa a te Faatere Hau no te Tuàro, no te Feia âpi, no te Arairaa i mua i te mau òhipa ìino e tiàau atoà i te Rima Î, ua haamana te Faatereraa Hau e faataai te mau tauturu moni no te pae o te faaòhiparaa e te faahoturaa, i te mau taatiraa e âmui-tahiraa tuàro, no te tahi faito ia âmuihia e **3 761 520 F CFP**.

Ua ôperehia te mau tauturu moni no te pae o te faaòhiparaa e no te pae o te faahoturaa, mai teie i muri nei :

**No te faaòhiparaa** i te Âmui-tahiraa tiri popo no Tahiti no te amo i te tereraa òhipa rau no te hoê faito ia âmuihia e **1 600 000 F CFP** ;

**No te faahoturaa** no te hoê faito ia âmuihia e **2 161 520 F CFP** ;



GOUVERNEMENT  
DE LA POLYNÉSIE FRANÇAISE

Âmui-tahiraa Teà no Tahiti	Hooraa mai e piti âfata âuri rarahi	<b>700 000</b>
Taatiraa Tiare Apetahi no Tumaraa	Hooraa mai i te tahi fare vairaa tauihaa	<b>250 000</b>
Taatiraa Haapiiraa pahi taie no Arue	Hooraa mai i te hoê matini poti	<b>911 520</b>
Taatiraa Beach Tennis no Tahiti	Hooraa mai i te tahi mau materia roro uira	<b>300 000</b>
<b>ÂMUIHIA</b>		<b>2 161 520 F CFP</b>

---

SERVICE DE LA COMMUNICATION

---